


Nada nobo den caso di desaparicion di Natalee

e 3 hobennan ta keda cera por lo pronto



ORANJESTAD.(AAN): E caso di Natalee ta birando pa hopi un pesadia.

Keto bay no tin un claridad unda e lo por ta y kico lo a pasa e mucha muher Mericano.

Tur esfuerso ta wordo hasi pa saca for di esnan deteni delaster detaye di e caso aki cu tin un cobertura mundial. Mientras e team keto bay dia y nochi ta kibra cabez pa yega pa soluciona e caso aki.

Tur e tipnan cu ta drenta ta ser investiga y manera ta conoci, esun di oro no kier yega pa yuda den e caso di Natalee.

Tin vario version cu bo ta puntra bo mes cual cu tin di kere cu ta circula.

Ora cu bay averigua cada uno bo ta dal den duro y ta uno sin pia sin cabez.

Pero tin di nan cu ta pone bo pensa un rato y puntra bo mes pakico y ki tin tras di e version.

Manera entre otro den oranan laat di anochi nos por a comprende cu un pareha Mericano a drenta un taxi pa bay direccion Alto Vista (kapel).

Nan lo a baha na e kapel den scuridad y no ta conoci kico nan lo a bay haci pero lo a wak un luz sende paga.

Mucha detaye no tabata disponible pero segun informe, cu aparentemente lo ta trata di mayornan di Natalee cu lo a bay na e kapel di Altovista mientras esaki na e ora ey di anochi ta conoci cu e ta cera.

Mientras tanto diasabra tabata un otro dia pisa pa reporteronan tanto local y internacional.

Pa prome masha corto tabata

e version di e vocero di Ministerio Publico na medionan den sala special na Holiday Inn, unda e vocero señora Vivian van der Biezen a bisa cu e no ta desmenti y tampoco confirma cierto informenan.


Nan ta consciente di versionnan relaciona cu e investigacion.

Tin 5 sospechoso y nan ta wordo interroga y nan ta riba e momentonan na un punto masha crucial y importante,

bon caminda, nan momento tin mas informe lo revela esaki.

Mientras tanto atardi a acudi masalmente na corte di husticia na unda e tres hobenan a wordo presenta dilanti hues comisario.

E hues comisario cu a atende e caso specialmente pa kita tur duda ta procedente di corte di Antiyas cu base na Corsow. Por mira foto di momento cu el a yega corte y momento cu dos persona ci



seguridad ta escolte pa drenta vehiculo.

Pa basta ora e caso a keda trata tras di porta sera y ta abogadonan cu ta representa e tres hobenan a wordo permiti pa atende a caso segun nos tin intendi.

Segun informe cu e sospechosonan, esta e trio di

hoben ta para ariba cu nan ta inocente y nan no tin nada di haber cu desaparicion di Natalee cual ta un di e cargonan pa cual nan ta deteni.

Y esaki a keda confirma pa nan abogadonan tambe cu a

sigui lesa pag11

continuacion pag 10

duna declaracion despues cu e sesion a termina. Pero huez comisario a dicidi relaciona cu e caso ta prolonga detencion di e tres hobenan. Pafor di corte, parti patras tabata tin un incidente cu a tuma lugar.

Ta asina cu Polis encarga pa transporta e trio deteni bao di seguridad a solicita cooperacion di prensa tanto local y internacional.

Prensa local segun version di polis ta menciona, a duna su cooperacion.

Despues cu e sesion a termina y cu ta bay transporta e detenidonan pa warda bek, na dado momento algo a bay robe y a casi sali for di man.

A bin protesta di e Mericanonan apesar cu a avisa nan pa no stroba.

Un di e reporteronan of ta cameramen cu a wordo identifica como un homber cu barba color cora casi a hinca of pusha lens di su camara den cara di polis.

Tabata na punto pa polis a detene pa ta stroba trabao di autoridad.

El a ricibi scual formal despues e la cana bay.

Mientras tanto segun nos

fuentenan tin un investigacion profundo ta tumando lugar na unda autoridad kier sa kende lo ta esun of esnan cu lo a pasa informenan incorrecto no apropia na famia of medionan internacional.

Locual ta asunto di choller, cual medionan di comunicacion, den e caso aki CNN lo a page pa e por a suministra of coopera pa un filmacion.

Ayera e supuesto choller cu a identifica su mes como Adre Rafael Gomez a duna di conoce di a nace 4 di april 1963 tabata kier a aclara henter e asunto.

Ta asina cu e buskeda di e

mucha muher Natalee varios choller house a wordo listra e dia en cuestion cu CNN a presenta den presencia di un homber Arubiano cu ta move tur caminda cu nan.

Nan a bin na e choller house pariba di Wintergarden.

Nan a puntre algo el a bisa nan cu e ta bay dal su cos entre su night train tambe.

Nan a graba locual e tabata hasi hasta un di nan di CNN a purba e night train.

E la bisa na dado momento cu e ta bay traha.

Nan tabata kier pa e keda un rato y el a laga sa cu ta 15 florin pa ora e ta gana.

Esun homber Arubiano a puntre esaki y a duna tambe no 15 pero 25 florin.

E kier clarifica e asunto aki pa kita e imagen cu ta su persona lo a pidi pa coopera pe filmacion segun e supuesto choller a duna di conoce.